

Gujli Hawj Gou Miz Saenqsim

□ 贵港市覃塘区蒙公镇高占小学四年级 Vangz Ciuhsanh/黄秋珊

Veiz lauxsae gingqgyaez:

Mwngz ndei!

Daj mwngz diuh bae gizwnq guhhong le, haujlai nanz mbouj raen naj mwngz lo, mbouj rox seizneix ndangdaej mwngz lij ndei lwi? Mwngz ndang byom lai, aeu lai gwn di bw! Gou dwg hagseng mwngz Luz Yinghvaz, o, couh dwg dahsau mbeiiq haenx. Lij geiq ndaej gou ba? Gaxgonq gou mbeiiq, naj youh mbang, mbouj miz saenqsim, nyangz daengz dwgrengz cungj siengj doiq dauqlaeng, dwg mwngz gajjbiengq gou.

Mwngz ciengzseiz gangj: “Aeu mbeihung mienhdoi q dwgrengz.” Hoeng, gou seizhaenx cungj hawj mwngz daiq daeuj mazfanx. Mwh gaujsi cingzci k mbouj habhoz, gou sikhaek daejngenge; caeuq doengzhag doxceng, cungj youzcaih doengz—doi h hangz gou; hagdangz guh Sawcuengh cozvwnz doxdax, hagsib vejyenz heuh gou bae camgya, gou lau saetbaih, ra gak cungj lijyouz doi deuz…… Gou cungj hagseng neix, nanzdauh mbouj hawj mwngz saetmuengh ma?

Hoeng, mwngz cungj gujli gou baez youh baez



dem, gij naihsim mwngz hawj gou gamjdoengh, gij vah mwngz gou geiqmaenh ndawsim bae: “Cijaeu mbeihung yamq okbae, couh mbouj miz gijmaz gamx hamj mbouj gvaqbae.” Ciemhciemh dwk, gou gyaez gangj gyaez riu lo, miz saenqsim lo, ndaej swheij gag gamj mienhdoi q dwgrengz lo.

Lij geiq ndaej mwngz yaek diuh bae geiz haenx,

youq hagdangz aeu Sawcuengh gangj gojgaeq doxdax, gou ndaej senj bae ndaw yienh camgya doxdax, neix dwg ndaw yienh yaek senj 5 boux cei q ndei bae Namzningz doxdax ne! Aenvih bae ndaw singz doxdax, gou miz di gaenjcieng. Yaek hwnj daiz seiz, mwngz bekbek aenmbaq iq gou, riu naeuz: “Gaej lau, cijaeu mwngz roengzrengz lo, baizmingz mbouj suenq gijmaz.” Mienhdoi q bouxyawj, gou sim diuqbubbub, hoeng, gou yawjraen mwngz youq laj daiz riunyumj doi q gou yaengyaeng ngaek gyaeuj, couh youq seizhaenx, gou sikhaek simdingh lo……

Veiz lauxsae, docih mwngz! Aenvih miz mwngz gujli, gou cij gag miz saenqsim. Mwngz biek hagdangz bae haujlai nanz lo, maqmuengh mwngz miz seizgan ma hagdangz yawjyawj, caeuq dou gangjgoj, dou daengz gyoengq doengzhag cungj gig siengjniemh mwngz!

Hoh mwngz

Ndangcangq, guhhong swnhleih!

hagseng mwngz: Luz Yinghvaz

2019 nienz 9 nyied 5 hauh

(boux lauxsae son' gyauq Cinz Hungzmeiz)



Gyanghaet, mbwn' gvengq rongh—cingx, gou guh cozyez sat, couh bae ra baengzyoux guhcaemz, sawqmwh, yawjraen henz diegnywj miz aen ngauez sug ndeu, sijsaeq yawj, gwnz gyaeuj de yungh baengzhoengz cug song boeg byoem lumj gaeuyiengz, gwnz najbyak miz diemj geiqhauh nding ndeu, gwnz hoz raek aen giengenzgunh, fwngz gaem fagnangx, din caij loekrumzfeiz. “Ya, de mbouj dwg Nwzcah ma?” Gou gikdoengh dwk hemq hwnjdaej.

Nwzcah ngeux gyaeuj gvaqdaej, riunyumj doi q gou naeuz: “Mwngz ndei, mwngz siengj bae Dunghhaij guhcaemz lwi?” Gou baez siengj, Dunghhaij dwg gizdieg gou hwnz—ngoenz cungj siengj bae ha, gou angqvauvau dwk dapwnq de. Nwz—cah sikhaek din caij loekrumzfeiz, daiq gou mbin daengz Dunghhaij. Ngamq roengz dieg, dou couh nyouq daengz heiq haeungaungau, yawjraen gwnz najhaij fouz miz caengz fufauz ndeu, henz haij doi miz haujlai labsab, caij sijsaeq yawj, giz mbouj gyae miz duzbyagingh ndeu dai naeuh lo,

Gou Caeuq Nwzcah Gvaq Ngoenz Ndeu

□ 贵港市覃塘区蒙公镇高占小学四年级 Leiz Cinli/雷进利

nengznyaen ciuzhoho ne. Raen daengz yienghneix, Nwzcah hozbongz dwk naeuz: “Doengh bi gou youq gizneix dajcaemx seiz, raemx geijlai seuq—cingh, gou hwnj bya bae hag bonjsaeh geij bi, baenzlawz couh bienqbaenz yienghneix ne?”

Dou cingq sim' in youh mbouj rox baenzlawz banh ndei. “Miz lo!” Nwz—cah fwt hemq hwnjdaej. “Mwngz miz gijmaz banh fap?” Gou gipmuengz cam. “Raeuz gojyij dawz labsab bienq feiq baenz bauj, banh aen labsab haijyangz canjlanj ndeu!” Gangj guh couh guh, Nwzcah yungh faplig dawz

labsab nyoengx hwnj gwnz danhaij daeuj, dou dawz labsab swiq seuq, baen loih le, guh gak cungj gak yiengh doxgaiq: Aeu yilahgvau guh baenz aen ruzgangfung valoekloek, aeu daehsuli u guh baenz geu vunja, yungh bingz—suli u caep gunghden gyaqci q gyaeu—ndei, aeu gak cungj feiqliuh cang baenz gak cungj doenghduz, lumj—baenz gunglungz、saeceij、duz—gaeng……

Guh ndaej haujlai yiengh le, dou couh mbin bae gak dieg guh vanzbauj gangjgaj, lij daiq gyoengqvunz daeuj yawj labsab haijyangz canjlanj dou.

Gyoengqvunz yawjraen gijneix, cungj bekwngz haenh dou guh ndaej ndei, lij gietsim baezlaeng caij mbouj luenh gveng labsab, aeu guh boux vanzbauj veisw, baujhoh aenranz digiuz ndei.

Mbwn laep lo, Nwzcah din caij loekrumzfeiz, soengq gou ma ranz lo. Ngoenzneix, gou caeuq Nwzcah gvaq ngoenz miz yiyi ndeu, ngoenzneix, gou roxyiuj luenh vut labsab uqlah vanzging gig daih, haihcawq gig lai, gou yaek guh boux vanzbauj veisw ndeu.

(boux lauxsae son' gyauq Veiz Gyanghbingz)

Nyienhmuengh Gou



Nyienhmuengh gou dwg dang boux canghveh ndeu.

Gou daj iq couh gyaez veh veh, ngamq hainduj hag couh veh gij veh genjdanh. Yienznaeuz veh ndaej mbouj ndei yawj, hoeng gou itcig roengzrengz bae veh. Geiq ndaej mwh gou it nienzgaep, lauxsae hawj dou banh bauqfwngzcau, dwgrengz lai lo, gou mbouj rox veh, couh lien z go faex he cungj heuh daxmeh bang veh. Seizneix gou rox veh lo, mboujguen j gou ra gij doz geijlai hoj veh, gou cungj veh ndaej hwnjbae, vanzlij daz gij saek hix gig ndei yawj.

Youq mwh veh veh, gou rox aen dauhleix ndeu: “Cijaeu roengzrengz, couh guh ndaej ndei. Gou yawj gvaq mbangj mbawveh gig gyaeunde i he, gou maqmuengh caeuq gyoengqde ityiengh veh ndaej gig ndei yawj, hoeng gou seizneix veh ndaej lij mbouj ndei geijlai.

Vihliux saedyienh gij nyienhmuengh gou, gou seizneix ndeinde i hagsib, majhung le bae hag cihsiz meijsuz engq ciennieb, saedyienh gij nyienhmuengh gou, dang boux canghveh ndeu. Gou itdingh mbouj hawj gij siengjmuengh gou siengj ndwi! Gou itdingh dang ndaej hwnj boux canghveh ndeu!

(ngeih nienzgaep Yang Vei)